

石閨猶有愛山心未至不將雙脚踏飛梯

石鼻城

平時戰國今無在陌上征夫自不閑北客初來試新
險蜀人從此送殘山獨穿暗月朦朧裏愁渡奔河蒼
莽間漸入西南風景變道邊脩竹水潺潺

樓觀

秦始皇立老子廟於觀南至晉惠始脩此觀

門前古碣卧斜陽閱世如流事可傷長有游人悲晉
惠強脩遺廟學秦皇丹砂久窖井水赤白木誰燒丹
竈香聞道神僊亦相過直疑田叟是庚桑

九月二十日微雪懷子由第二首

岐陽九月天微雪已作蕭條歲暮心短日送寒砧杵
急冷官無事屋廬深愁腸別後能消酒白髮秋來已
上簪近買貂裘堪出塞忽思乘傳問西深

江上同舟詩滿篋鄭西分馬涕垂膺未成報國慙書
劔豈不懷歸畏友朋官舍度秋驚歲晚寺樓見雪與
誰登遙知讀易東窻下車馬敲門定不應

病中聞子由得告不赴商州三首

病中聞汝免來商旅鷹何時更著行遠別不知官爵
好思歸苦覺歲年長著書多暇真良計從宦無功謾
去鄉惟有王城最堪隱萬人如海一身藏

近從章子聞渠說苦道商人望汝未說客有靈慙直
道逋翁久沒獸凡才夷音僅可通名姓瘦俗無由辨
頰頤答策不堪宜落此上書求免亦何哉章子博也
辭官不出意誰知敢向清時怨位卑萬事悠悠付杯
酒流年冉冉入霜髭策曾忤世人嫌汝易可忘憂家
有師此外知心更誰是夢魂相覓苦參差

和子由寒食

寒食今年二月晦樹林深翠已生煙遠城駿馬誰能
借到處名園意盡便但挂酒壺那計餞偶題詩句不
須編忽聞啼鴉驚羈旅江上何人治廢田

七月二十四日以久不雨出禱磻溪是日宿
虢縣二十五日晚自虢縣渡渭宿於僧舍曾
閣閣故曾氏所建也夜久不寐見壁有前縣
令趙薦留名有懷其人

龕燈明滅欲三更欹枕無人夢自驚深谷留風終夜
響亂山啣月半床明故人漸遠無消息古寺空來看
姓名欲向磻溪問姜叟僕夫屢報斗杓傾
二十六日五更起行至磻溪未明

夜入磻溪如入峽照山炬火落驚猿山頭孤月耿猶
在石上寒波曉更喧至人舊隱白雲合神物已化遺

蹤蜿安得夢隨霹靂駕馬上傾倒天瓢翻

周公廟廟在岐山西北七八里廟後百許步
有泉依山湧冽異常國史所謂潤德泉世亂
則竭也

吾今那復夢周公尚喜秋來過故宮翠鳳舊依山
碑兀清泉長與世窮通至今游客傷離黍故國諸生詠
雨濛牛酒不來烏鳥散白楊無數暮號風

自興平鎮游樓觀五郡大秦延生仙游徃返

四日得十一詩寄子由同作

餘見別卷

樓觀

鳥噪猿呼晝閉門寂寥誰識古皇尊青牛久已辭轅
軛白鶴時來訪子孫山近朔風吹積雪天寒落日淡
孤村道人應怯游人眾汲盡堦前井水渾

五郡

古觀正依林麓斷居民來就水泉甘亂溪赴渭爭趨
北飛鳥迎山不復南羽客衣冠朝上象野人香火祝
春蠶汝師豈解言符命山鬼何知託老聃

子皓以亭國
長皓之意

授經臺乃南山二峯耳
復有臺覆

劍舞有神通草聖海山無事化琴工此臺一覽秦川

小不得傳經意已空

十二月十四日夜微雪明日早往南溪小酌

至晚

南溪得雪真無價走馬來看及未消獨自披榛尋履
迹爭先犯曉過朱橋惟憐屋破眠無處坐覺村飢語
不囂惟有莫鴉知客意驚飛千片落寒條

和子由木山引水二首

蜀江久不見滄浪江上枯槎遠可將去國尚能三犢
載汲泉何愛一夫忙崎嶇好事人應笑冷淡爲歡意
自長遙想納涼清夜永窓前微月照汪汪

千年古木卧無梢浪卷沙翻去似瓢幾度過秋生蘚
暈至今流潤應江潮泫然疑有蛟龍吐斷處人言霹
靂焦材大古來無適用不須鬱鬱慕山苗

寄題興州晁太守新開古東池

百畝新池傍郭斜居人行樂路人誇自言官長如靈
運能使江山似永嘉縱飲坐中遺白恰幽尋盡處見
桃花不堪山鳥號歸去長遣王孫苦憶家

華陰寄子由

三年無日不思歸夢裏還家旋覺非
臆酒送寒催去國東風吹雪滿征衣
三峯已過天浮翠四扇行看日

照扉里堆消磨不禁盡速携家餉勞驂駢

和董傳留別

籠繒大布畏生涯腹有詩書氣自華
猷伴老儒烹瓠葉強隨舉子踏槐花
囊空不辨尋春馬眼亂行看擇
壻車得意猶堪誇世俗詔黃新濕字如鴉

次韻柳子玉見寄

薄雷輕雨曉晴初陌上春泥未減裾
行樂及時維有酒出門無侶謾看書
遙知寒食催歸騎定把鷓鴣夷載
後車他日見邀湏強起不應辭病似相如

次韻王誨夜坐

愛君東閣能延客顧我閑官不計負
策杖頻過如未獸卜居相近豈辭遷
莫將詩句驚搖落漸喜鐔壘省
撲緣待約月明池上宿夜深同看水中天

傳堯俞濟源草堂

微官共有田園興老罷方尋隱退廬
栽種成陰十年事蒼皇求買萬金無
先生卜築臨清濟喬木如今似
畫圖鄰里亦知偏愛竹春來相與護
龍雛

和柳子玉過陳絕糧二首

風雨瀟瀟夜晦迷不須嗚叫強知時
多才久被天公恠闕食惟應爨婦知
杜叟挽衣那及脛顏翁食粥敢

言炊詩人情味真嘗遍試問於君底事虧
如我自觀猶可馱非君誰復肯相尋圖書跌宕悲年
老燈火青熒語夜深早歲便懷齊物意微官敢有濟
時心南行千里成何事卧聽秋濤萬鼓音

壽州李定少卿出餞城東龍潭上

山鴉噪處古靈湫亂沫浮涎遶客舟未暇然犀照竒
鬼欲將燒燕出潜蚪使君惜別催歌管村巷驚呼聚
攫猴此地他年頌遺愛觀魚并記老莊周

龜山

我生飄蕩去何求再過龜山歲五周身行萬里半天

下僧卧一庵初白頭地隔中原勞北望湖連滄海欲
東游元嘉舊事無人記故壘工推頽今在不採文帝遣
此築城

次韻楊褒早春

窮巷淒涼苦未和君家庭院得春多不辭瘦馬騎衝
雪來聽佳人唱踏莎破恨徑湏煩麩蘖增年誰復怨
羲娥良辰樂事古難並白髮青衫我亦歌細雨郊園
聊種菜冷官門戶可張羅放朝三日君恩重睡美不
知身在何

次韻柳子玉二首地爐紙帳

細聲蚯蚓發銀鉞擁褐橫眠天未明衰鬢鑷殘歌雪
領壯心降盡倒風旌自稱丹竈錙銖火倦聽山城長
短更聞道床頭惟竹几夫人應不解卿卿俗謂竹几為竹夫人
亂紋龜殼細相連慣卧青綾恐未便潔似僧巾白氎
布暖於蠻帳紫茸氈錦衾速卷持還客破屋那愁仰
見天但恐嬌兒還惡睡夜深踏裂不成眠

和劉道原見寄

敢向清時怨不容直嗟吾道與君東坐談足使淮南
懼歸去方知冀北空獨鶴不須驚夜旦群鳥未可辨
雌雄廬山自古不到處得與幽人子細窮

和劉道原詠史

仲尼憂世接輿狂臧穀雖殊竟兩亡吳客謾陳豪士
賦桓侯初笑越人方名高不朽終安用日飲無何計
亦良獨掩陳編吊興廢窓前山雨夜浪浪

和子由柳湖久酒忽有水開元寺山茶舊無
花今歲盛開二首

太昊祠東鐵墓西一樽曾與子同携回瞻郡閣遙飛
檻北望檣竿半隱堤飯豆羹藜思兩鵠飲河嘆水賴
長蛻如今勝事無人共花下壺盧烏勸提
長明燈下石欄干長共杉松闢歲寒葉厚有稜犀甲

健花深少態鶴頭丹久陪方丈曼陀雨羞對先生首
宿盤雪裏盛開知有意明年歸後更誰看

次韻歐陽少師會老堂

一時冠蓋盡巖終舊德年來豈易逢聞道堂中延蓋
叟定應床下拜梁松蠹魚自曬閑箱篋科斗長收古
鼎鍾我欲棄官重問道寸筵何以得春客

宿水陸寺寄北山清順僧二首

草沒河堤雨暗村寺藏脩竹不知門拾薪煮藥伶僧
病掃地燒香淨客魂農事未休侵小雪佛燈初上報
黃昏年來漸識幽居味思與高人對榻論

長嫌鍾鼓聒湖山此境蕭條却自然乞食遠村真爲
飽無言對客本非禪披榛覓路衝泥入洗足關門聽
雨眠遙想後身窮賈島夜寒應從作詩肩

送張軒民寺丞赴省試

龍飛甲子盡豪英常喜吾猶及老成人競春闈賦秋
菊天教明月伴長庚傳家各自聞詩禮與子相逢亦
弟兄洗眼上林看躍馬賀詩先到古宣城稍收驥
讀一作蘭賦其子也笑

和致仕張郎中春晝

投綬歸來萬事輕銷磨不盡祗風情舊因尊菜求長

假新爲楊枝作短行不禱自安緣壽骨深藏難沒是
詩名淺斟盃酒紅生頰細琢歌詞穩稱聲蝸殼卜居
心自放蠅頭寫字眼徧明盛衰閱過君應笑寵辱年
來我亦平跪履數從坵下老逸書閑問濟南生東風
屈指無多日只恐先春鷦鷯鳴

和邵同年戲贈賈收秀才三首

傾蓋相歡一笑中從來未省馬牛風卜鄰尚可容三
徑投社終當作兩翁古意已將蘭緝佩招詞閑詠桂
生叢此身自斷天休問白髮年來漸不公
朝見新萸出舊槎騷人孤憤苦思家五噫處士太窮

約三賦先生多誕夸帳外鶴鳴奩有鏡筒中錢盡按
無鮭玉川何日朝金闕白晝閉門守夜叉時賈欲再娶
生涯到處似樗烏科第無心摘領鬚黃帽刺舟忘歲
月白衣擔酒慰鰥孤狙公欺病來分粟水伯知饒爲
出鱸莫向洞庭歌楚曲煙波渺渺正愁予

莘老葺天慶觀小園有亭北向道士山崇說
乞名與詩

春風欲動北風微歸鴈亭邊送鴈歸蜀客南游家最
遠吳山寒盡雪先晞扁舟去後花絮亂五馬來時賓
從非惟有道人應不忘抱琴無語立斜暉

秀州報本禪院鄉僧文長老方丈

萬里家山一夢中
吳音漸已變兒童
每逢蜀叟談終日
便覺峨眉翠掃空
師已忘言真有道
我除搜句百無功
明年採藥天台去
更欲題詩滿浙東

宋叔達家聽琵琶

數絃已品龍香撥
半面猶遮鳳尾槽
新曲從翻玉連瑣
舊聲終愛鬱輪袍
夢回只記歸舟字
賦罷雙垂紫錦條
何異烏孫送公主
碧天無際鴈行高

祥符寺九曲觀燈

紗籠擎燭迎門入
銀葉燒香見客邀
金鼎轉丹光吐
夜寶珠穿蟻鬧
連朝波翻焰裏元
相激魚舞湯中不
畏焦明日酒醒空
想像清吟半逐夢
魂銷

正月二十一日病後述古邀往城外尋春

屋上山禽苦喚人
檻前冰沼忽生鱗
老來厭逐紅裙醉
病起空驚白髮新
卧聽使君鳴鼓角
試呼稚子整冠巾
曲欄幽榭終寒窘
一看郊原浩蕩春

有以官法酒見餉者因用前韻求述古為移
厨飲湖上

喜逢門外白衣人
欲膾湖中赤玉鱗
游舫已粧吳榜穩
舞衫初試越羅新
欲將魚釣追黃帽
未要靴刀抹

絳巾芳意十分強半在爲君先踏水邊春

新城道中二首

東風知我欲山行吹斷簷間積雨聲嶺上晴雲披絮帽樹頭初日挂銅鉦野桃含笑竹籬短溪柳自搖沙水清西崦人家應最樂煮芹燒笋餉春耕

身世悠悠我此行溪邊委溼聽溪聲散材畏見搜林斧疲馬思聞卷旆鉦細雨足時茶戶喜亂山深處長官清人間岐路知多少試向桑田問耦耕

寒食未明至湖上太守未來兩縣令先在

城頭月落尚啼烏烏榜紅舷早滿湖鼓吹未容迎五

馬水雲先已颺雙鳧映山黃帽螭頭舫夾道青煙鵲尾爐老病逢春只思睡獨求僧榻寄須臾

次韻孫莘老見贈時莘老移廬州因以別之

爐鎚一手賦形殊造物無心敢望渠我本踈頑固當尔子猶淪落況其餘龔黃側畔難言政羅趙前頭且眩書莘老親稱政事與書至不工惟有陽關一杯酒慙慙重

唱贈離居

自昌化雙溪館下步尋溪源至治平寺二首

亂山滴翠衣裘重雙澗響空窻戶搖飽食不嫌溪笋瘦穿林閑覓野芎苗却愁縣令知游寺尚喜漁人爭

渡橋正似醴泉山下路桑枝刺眼麥齊腰

每見田園輒自招倦飛不擬控扶搖共疑楊惲非鉏
豆誰信劉章解立苗老去尚飡彭澤米夢歸時到錦
江橋官游莫作無家客舉族長懸似細腰

會客有美堂周邠長官與數僧同泛湖往北
山湖中聞堂上歌笑聲以詩見寄因和二首

時周有服

靄靄君詩似嶺雲從來不許醉紅裙不知野屐穿山
翠惟見輕橈破浪紋頗憶呼盧袁彥道難邀罵坐灌
將軍借取也其晚風落日元無主不惜清涼與子分

載酒無人過子雲掩關晝卧客書裙歌喉不共聽珠
貫醉面何因作纈紋僧侶且陪香火社詩壇欲斂鸛
鵝軍憑君徧遶湖邊寺漲淥晴來已十分

立秋日禱雨宿靈隱寺同周徐二令

百重堆案掣身開一葉秋聲對榻眠床下雪霜侵戶
月枕中琴筑落堦泉崎嶇世味嘗應遍寂寞山棲老
漸便惟有閔農心尚在起占雲漢更茫然

病中獨游淨慈謁本長老周長官以詩見寄
仍邀游靈隱因次韻答之

卧聞禪老入南山淨掃清風五百間我與世疎宜獨

往君緣詩好不容攀自知樂事年年減難得高入日
日閑欲問雲公覓心地要知何處是無還

癸丑春分後雪

雪入春分省見稀半開挑杏不勝威應慙落地梅花
識却作漫天柳絮飛不分東君專節物故將新巧發
陰機從今造物尤難料更暖須留御臘衣

蘇文忠公集卷第二十

儋耳寄子由

燈燼不挑垂暗檠香爐重撥尚餘薰狂風欲發鴉翻
樹缺月初升犬吠雲閉目此生新活計隨身孤影舊
知聞雷州別駕應危坐跨海清光與子分一作失

蘇文忠公集卷第二十

蘇文忠公集卷第二十一

律詩一百一十首

次韻葉致遠見贈

欲求五畝寄樵蘇到處留連似賈胡
信命不須歌去汝逢人未免歎猶吾
人皆勸我杯中物我獨怜君屋上烏
一枝文章何足道要知摩詰是文殊

次韻杭州裴維甫

餘杭門外葉飛秋尚記居人挽去舟
一別臨平山上塔五年雲夢澤南州
淒涼楚些緣吾發邂逅秦淮為
子留寄語西湖舊風月故應時許夢中遊

蘇文忠公集卷第二十一

律詩一百一十首

次韻葉致遠見贈

欲求五畝寄樵蘇到處留連似賈胡
信命不須歌去汝逢人未免歎猶吾
人皆勸我杯中物我獨怜君屋上烏
一枝文章何足道要知摩詰是文殊

次韻杭州裴維甫

餘杭門外葉飛秋尚記居人挽去舟
一別臨平山上塔五年雲夢澤南州
淒涼楚些緣吾發邂逅秦淮為
子留寄語西湖舊風月故應時許夢中遊

次韻段縫見贈

季子東周負郭田，須知力穡是家傳。
細思種殖五十本，大勝取禾三百廛。
若得與君連北巷，故應終老忘西川。
短衣匹馬非吾事，只擬關門不問天。

次韻滕元發許仲途秦少游

二公詩格老弥新，醉後狂吟許野人。
坐看青山吞澤芥，自慙潢潦薦溪蘋。
兩邦旌纛光相照，十畝鋤犁手自親。
何似秦郎妙天下，明年獻頌請東巡。

次韻周種惠石鈿

銅腥鐵澁不宜泉，愛此蒼然深且寬。
蟹眼翻波湯已作，龍頭拒火柄猶寒。
薑多鹽少茶初熟，水漬雲蒸蘚未乾。
自古幽牛多折足，要知無脚是輕安。

次韻蔣穎叔

月明驚鵲未安枝，一棹飄然影自隨。
江上秋風無限浪，枕中春夢不多時。
瓊林花草聞前語，罨畫溪山指後期。
豈敢便爲鷄黍約，玉堂金殿要論思。

和王旂二首

異時長恠謫仙人，舌有風雷筆有神。
聞道騎鯨游汗漫，憶嘗捫蝨話悲辛。
氣吞餘子無全韻，目一作詩到諸郎尚絕倫。
白髮故交空掩卷，淚河東注問蒼旻。

娟娟春風送度關娟娟霜月照生還
遲留歲暮江淮上來往君家伯仲間
未厭冰灘吼新洛且看松雪媚南山
野梅官柳何時動飛蓋長橋待子閑

次韻張琬

新洛霜餘兩岸隆塵埃舉袂識西風
臨淮自古多名士樽酒相從樂寓公
半日偷閑歌嘯裏百年暗盡往來中
知君不向窮愁老尚有清詩氣吐虹

贈梁道人

採藥壺公處處過笑看金狄手摩挲
老人大父識君父造物小兒如子何
寒盡山中無曆日雨斜江上有

漁叢神仙護短多官府未厭人間醉踏歌

泗州南山監倉蕭淵東軒二首

偶隨樵父採都梁

南山名都梁山也

竹屋松扉試乞漿

但見東軒堪隱几不知公子是監倉
溪中亂石墻垣古山下寒蔬七箸香
我是江南舊游客挂冠知有老

蕭郎

北望飛塵若畫羅洗心聊復寄

一作記

東齋瓊禽聲好

猶思越野橘香清未過淮有信微泉來遠嶺無心明月轉空堦一官倉庾真堪老坐看松根絡斷崖

章錢二君見和復次韻答之二首

黃昏已作風翻絮，半夜猶驚月在沙。照汴玉峯明佛刹，隔淮雲海暗人家。來疑有信迎三白，蒼苔荀無香散六花。與雪花皆六出也欲喚阿咸來守歲，林鳥櫪馬闌誼譁。

分無纖手裁春勝，况有新詩點蜀酥。醉裏冰髭失鏡，絡夢回布被起廉隅。君應旅眼寒生暈，我亦飢腸夜自呼。明日南山春色動，不知誰佩紫微壺。

泗州除夜雪中黃師是送酥酒二首

暮雪紛紛投碎米，春流咽咽走黃沙。舊游似夢徒能說，逐客如僧豈有家。吟硯欲書先自凍，孤燈何事獨

成花使君半夜分酥酒，驚起妻孥一笑譁。

關右土酥黃似酒，揚州雲液白如酥。欲從元放覓拄杖，忽有翹生來座隅。對雪不堪令飽暖，隔船應已厭歌呼。明朝積玉深三尺，高枕床頭尚一壺。

劉乙新作射亭

蘭玉當年刺史家，雙鞬馳射笑穿花。而今白首閑騎馬，只有清樽照畫蛇。寂寂小軒蛛網遍，陰陰垂柳鴈行斜。手柔弓燥春風暖，置酒看君中戟牙。

留題蘭臯亭

雪後東風未肯和，扣門遷客夜經過。不知舊竹生新

筍但見清伊換濁河無復往來乘下澤聊同笑語說
東坡明年我亦開三徑寂寂兼無雀可羅

和人見贈

只寫東坡不著名此身已是一長亭壯心無復春流
起衰鬢從教病葉零知有雪兒供筆硯應嗤竈婦洗
盆鉞回來索酒公應厭京口新傳作客經

和田仲宣見贈

頭白江南醉司馬寬心時復喚殷兄寒潮不應淮無
信客路相隨月有情未許低頭拜東野徒言共飲
公榮好詩惡韻那容和刻燭應須便置觥

記夢

樂全先生夢人以詩三篇示之字皆旁行而不可
識旁有人道衣古貌為讀其中一篇云人事且常
在留質悟圓間凡四句覺而忘其二以告其客蘇
軾軾以私意廣之云

圓間有物物間空豈有圓空入井中不信天形真箇
樣故應眼力自無窮連環已解如神手萬竅猶號未
濟風稽首問公公大笑本來誰礙更求通

與歐育等六人飲酒

忽驚春色二分空且看樽前半文紅苦戰知君便白

羽倦游怜我憶黃封年來齒髮老未老此去江淮東
復東記取六人相會處舉杯看劍坐生風

和仲伯達

歸山歲月苦無多尚有丹砂奈老何繡谷只應花自
染鏡潭長與月相磨君方傍海看初日我已橫江擊
素波人不我知斯我貴不須雷雨起龍梭

送竹几與謝秀才

平生長物擾天真老去歸田只此身留我同行木上
坐贈君無語竹夫人但隨秋扇年年在莫關瓊枝夜
夜新堪笑荒唐玉川子莫年家口若為親

次韻許遵

蒜山渡口挽歸艍朱雀橋邊看道裝供張已應煩百
兩擊鮮無久溷諸郎問禘時到長干寺載酒閑過綠
野堂此味只憂兒輩覺逢人休道北窓涼

送穆越州

江海相忘十五年羨公松柏蔚蒼顏四朝耆舊冰霜
後兩郡風流水石間舊政猶傳蜀父老先聲已振越
溪山樽前俱是蓬萊守當放高樓雪月閑

贈葛葦

竹椽茆屋半摧傾肯向蜂窠寄此生長恐千頭卷室

去欲將船尾載君行小詩試擬孟東野大草閑臨張
伯英消遣百年須底物故應怜我不歸耕

次韻徐積

殺鷄未肯邀李路裹飯先須問子來但見中年隱槐
市豈知平日賦蘭臺海山入夢方東去風雨留人得
暫陪若說峨眉眼前是一作故鄉何處不堪回

過密州次韻趙明叔喬禹功

先生依舊廣文貧老守時遭醉尉瞋汝輩何曾堪一
笑吾儕相對復三人黃鷄催曉淒涼曲白髮驚秋見
在身一別膠西舊朋友為舟歸釣五湖春

登州孫氏松堂

萬松誰種已樅樅半嶺蒼雲作映此邦露重珠纓
蒙翠蓋風來石齒碎寒江浮空鳳尾一作橫南閣倒
景扶桑射北窓坐待夕烽傳海嶠重城歸去鼓逢逢

次韻趙令鑠

東坡已報六年穰惆悵紅塵白首郎枕上溪山猶可
見門前冠蓋已相望故人年少真瓊樹落筆風生戰
堵墻端向壘間尋吏部老來專以醉為鄉

次韻王定國得穎倅二首

仙風入骨已凌雲秋水為文不受塵一噫固應號地

賴餘波猶足挂天紳買牛但自捐三尺射鼠何勞挽
六鈞莫向百花潭上去醉翁不見與誰春

滔滔四海我知津每愧先生植杖芸自少多言晚聞
道從今閉口不論文灑翻白獸樽中酒歸煮青泥坊
底芹要識老僧無盡處床前牛蟻不曾聞

次韻王震

携文過我治平間霧豹當時始一斑聞道吹噓借餘
論故教流落得生還清篇帶月未霜夜妙語先春發
病顏詩酒暮年猶足得一作用竹林高會許時攀

次韻周邠

南遷欲舉力田科三徑初成樂事多豈意殘年踏朝
市有如疲馬畏陵坡羨君同甲心方壯笑我無聊鬢
已瞠何日西湖尋舊賞淡烟疎雨暗漁蓑

次韻胡完夫

青衫別淚尚瀾斑十載江湖困抱關老去上書還北
闕朝來拄笏望西山相從杯酒形骸外笑說平生醉
夢間萬事會須咨伯始白頭容我占清閑

次韻錢穆父

老入明光踏舊班染鬚那復唱陽關故人飛上金鑾
殿遷客來從飯顆山大筆推君西漢手一言置我二

劉閒便湏置酒呼同舍看賜飛龍出帝閑

再次韻答完夫穆父

二公自言先世同在西掖

掖垣老吏識郎君並嘗天街兩絕塵汗血固應生有種夜光那復困無因豈知西省深巖地也著東坡病瘦身免使謫仙明月下狂歌對影只三人

次韻答滿思復

自甘茅屋老三間豈憶彤庭綴兩班紙落雲烟供醉後詩成珠玉看朝還誰言載酒山無賀記取啼烏巷有顏但恐跛牂隨赤驥青雲飛步不容攀

和人假山

上黨撓天碧玉環絕河千里抱商顏試觀煙雨三峯外都在靈仙一掌間造物何如童子戲寫真聊發使君閑何當挈取西征去畫作圍床六曲山

次韻子由送千之姪

江上松楠深復深滿山風雨作龍吟年來老幹都生菌下有孫枝欲出林白髮未成歸隱計青衫儻有濟時心閉門試草三千牘側席求人少似今

次韻錢舍人病起

床下龜寒且耐支杯中蛇去一作氣未應衰殿門明日逢王傅櫺具爭先看不疑坐覺香煙携袖少獨愁花

影上廊遲何妨一笑千痾散絕勝倉公飲上池

次韻朱光庭初夏

朝罷人人識鄭崇直聲如在履聲中卧聞疎響梧桐
雨獨詠微涼殿閣風諫苑君方續承業醉鄉我欲訪
無功陶然一枕誰呼覺牛蟻新除病後聰

次韻張昌言給事省宿

馮顛久已歌殘雪戎眼何曾眩落暉朔野按行猶雀
躍東臺瞑坐覺烏飛道家謂之烏飛謾誇年少容吾在
樂天詩云猶有講張凡若闔樽前舉世稀待向崧陽
求水竹一犁煙雨伴公歸

送錢承制赴廣西路分都監

當年我作表忠碑坐覺江山氣未衰舞鳳尚從天目
下白駒時有渥洼姿據床到處堪吹笛橫槊何人解
賦詩知是丹霞破佛手先聲應已懾群夷廣西僧詩
擬巽巖中君碎

次韻曾子開從駕二首

街槐綠闇雨初勻瑞霧香風滿後塵清廟幸同觀濟
濟豐年喜復接陳陳雍容已饜天庖賜俯伏初嘗貢
茗新輦路歸來聞好語共驚堯顙類高辛
入仗槐驚愧草萊一聲清蹕九門開暉暉日傍金輿

轉習習風從玉宇來沈落生還真一芥周章危立近
三槐學士班道傍儻有山中舊問我收身早晚回

再和

眼花錯莫鬢霜勻病馬羸驕只自塵奉引拾遺叨侍
從思歸少傳羨朱陳衰年壯觀空驚目嶮韻清詩苦
聞新最後數篇君莫厭搗殘椒桂有餘辛

憶觀滄海過東萊日照三山迤邐開玉觀飛樓凌霧
起仙幢寶蓋拂天來不聞宮漏催晨箭但覺簷陰轉
古槐供奉清班非老處會稽何日乞方回時方闕會稽守

次韻貢父省上二首

密雲今日破郊西踈雨脩脩未作泥要及清閑同笑
語行看衰病費扶攜花前白酒傾雲液戶外青驄響
月題不用臨風苦揮淚君家自與竹林齊

當年曹守我膠西共厭舖糟與汨泥自古赤丸成習
俗因公黃犢免提攜生還各有青山興病起猶能小
字題莫恠歌呼數相和曾將獄市寄全齊順盜賊皆

奔鄰境蓋嘗有詩云
從教晉盜稍奔秦

和張昌言喜雨

二聖憂懃忘寢食百神奔走會風雲禁林夜直鳴江
瀨清洛潮回起穀紋夢覺酒醒聞好句帳空簟冷發

餘薰秋來定有豐年喜刺作新詩準備君

次韻劉貢父西省種竹

要知西掖承平事記取劉郎種竹初
舊德終呼名字外後生誰續笑談餘
昔李公擇種竹館中戲語同舍後人指此竹必云李文正手植
種竹笑曰文政不獨繫筆也知成陰障日行當見取
荀供庖計已踈白首林間望天上平安時報故人書

次韻貢父獨宿省中

明窓畏日曉先暎高柳鳴蜩午更喧
筆老詩新疑有物心空客疾本無根
隔窓我亦眠風榻上馬君先瑣月軒
共喜早歸三伏近解衣盤礴亦君恩

次韻張昌言喜雨

千里黃流失故居年來赤地到青徐
遙聞爭誦十行詔無異親巡六尺輿
精貫天人一言足雲興嶽瀆萬靈趨
愛君誰似元和老賀雨詩成即諫書

次韻孔常父送張天覺河東提刑

送君應典鷓鴣裘憑仗千鍾洗別愁
脫帽風流餘長史君喜草書而此為戲埋輪家世本留侯
張綱子房七世孫也健為武陽人墓在今彭山
子河駿馬方爭出麟府馬出昭義疲兵亦少休
唐稱昭義步兵定向秋山得佳句故關黃葉滿行舟

次韻王定國倅揚州

此身江海寄天游一落紅塵不易收未許相如還蜀道空教何遜在揚州又驚白酒催黃菊尚喜朱顏映黑頭火急著書千古事虞卿應未厭窮愁

次韻張舜民自御史出倅虢州留別

玉堂給札氣如雲初喜湘纍復佩銀樊口淒涼已陳迹昔與張詞遊武昌及之班心突兀見長身臺榭謂班心江湖前日真成夢鄠杜他年恐卜鄰此去若容陪坐嘯故應客主盡詩人

次韻貢父所和韓康公憶持國二首

夢覺真同鹿覆蕉相君脫履自寥寥顏紅底事髮先白室迩何妨人自遙狂似次公應未恠醉眠東閣不須招援毫欲作衣冠表盛事終當繼八蕭唐蕭氏自

開戶端居念獨深小軒朱檻憶同臨燎鬚誰識英公

意英公為其姊作粥幾進粥黃髮聊知子建心與建

王彪別詩云王其愛已託西風傳絕唱且邀明月伴

孤斟他時內集應呼我下客先拚醉墮簪

次韻貢父叔姪扈駕

玉堂孤坐不勝清長羨枚鄠接長卿只許隔牆聞置

酒却因議事得聯名
機密似我多遺俗
廣受如君不治生
共託屬車塵土後
鈞天一餉夢中榮

次韻韓康公置酒見留

庭下黃花一醉同
重來雪嶽已穹隆
不應屢被譏安石
但使毋多酌次公
鍾乳金釵人似玉
鷓鴣弦鐵撥生風
少卿尚有車茵在
頗覺寬容勝弱翁

次韻王都尉偶得耳病

君知六鑿皆為贅
我有一言能決疣
病客巧聞床下議
癡人強覩棘端猴
聰明不在根塵裏
藥餌空為婢僕憂
但試周郎看聾舌
曲音微誤已回頭

次韻宗肇遊西池

漢皇慈儉不開邊
尚教千艘下瀨舩
貪看艨艟飛鬪艦
不知鼉鼓舞鈞天
故山西望三千里
往事回思二十年
自笑區區足官府
不如公子散神仙

僕領貢舉未出錢
穆父雪中作詩見及三月
二十日同遊金明池
始見其詩次韻為答

雪知我出已全消
花待君來未敢飄
行避門生時少飲
忽逢騎吏有嘉招
魚龍絕技來千里
斑白遺民數四朝
知有黃公酒壚在
蒼頭白髮自相遙

次韻子由五月一日同轉對

跪奉新書笏在腰談王正欲伴漁樵晉陽豈爲一門
事宣政聊同五日朝憂患半生聯出處歸休上策卓
招要後生可畏吾衰矣刀筆從來錯料堯

次許冲元韻送成都高士敦鈐轄

移中老監本虛名懶作燕山萬里行坐看飛鴻迎使
節歸來駿馬換傾城高才本不緣動閣餘力還思治
蜀兵西望雪山烽火盡不妨樽酒寄平生

卧病逾月請郡不許復直玉堂十一月一日
鑠院是日苦寒詔賜宮燭法酒書呈同院

微霰踈踈點玉堂詞頭夜下攬衣忙分光御燭星辰

爛拜賜宮壺雨露香醉眼有花書字大老人無睡漏
聲長何時却逐桑榆暖社酒寒燈樂未央

景仁和賜酒燭詩復次韻謝之

笙磬分鈞上下堂游魚舞獸自奔忙朱絃初識孤桐
韻玉琯猶聞秬黍香萬事方今咨伯始一斑我亦愧
真長此生會見三雍就無復寥寥歎未央

次韻王定國會飲清虛堂

何遜揚州又幾年官梅詩興故依然何人可復問季
孟與子不妨中聖賢卜築君方淮上郡歸心我已劔
南川此身正似蚕將老更盡春光一再眠

夜直玉堂攜李之儀端叔詩百餘篇讀至夜
半書其後

玉堂清冷不成眠伴直難呼孟浩然暫借好詩消永
夜每逢佳處輒參禪愁侵碩滴初含凍喜入燈花欲
闌妍寄語君家小兒子他時此句一時編

次韻劉貢父春日賜幡勝

寬詔隨春出內朝三軍喜氣挾狐貂鏤銀錯落翻斜
月翦綵繽紛舞慶霄臘雪強飛繞到地曉風偷轉不
驚條脫冠徑醉應歸卧便腹從人笑老韶

再和三首

興君流落偶還朝過眼紛紛七葉貂莫笑華顛飄彩
勝幾人黃壤隔青霄行吟未許窮騷雅坐嘯猶能出
教條記取明年江上郡五更春枕夢春韶

衫絺方暑亦堪朝歲晚淒風憶皂貂共喜鴛鴦鳥歸
禁蘂心知日月在重霄君如老驥初遭絡我似枯桑不
受條強鑷霜鬚簪彩勝蒼顏得酒尚能韶

衰遲何幸得同朝温勁如君合理貂誰惜異材蒙徑
寸自慙枯枿借凌霄光風泛泛初浮水紅糝離離欲
綴條後日一樽何處共奉常端冕作咸韶

送呂昌明知嘉州

不羨三刀夢蜀都聊將八詠繼東吳卧看古佛凌雲閣
敕賜詩人明月湖得句會應緣竹鶴思歸寧復為
尊鱸橫空好在脩眉色頭白猶堪乞左符

次韻黃魯直寄題郭明父府推潁州西齋二

首

樹頭啄木常疑客客去而瞋定不然脫轄已應生井
沫解衣聊復起庖煙平生詩酒真相汙此去文書恐
獨賢早晚西湖喚華髮小舟翻動水中天
寂寞東京月旦州德星無復綴珠旒莫嗟平輿澗空
神物尚有西齋接勝流春夢屢尋湖十頃家書新報

橘千頭雪堂亦有思歸曲為謝平生馬少游

次韻秦少章和錢蒙仲

碧畦黃隴稻如京歲美人和易得情鑑裏移舟天外
思地中鳴角古來聲山圍故國城空在潮打西陵意
未平二子有如雙白鷺隔江相照雪衣明

次韻景文次元寒食同遊西湖

絮飛春減不成年老境同乘下瀨船藍尾忽驚新火
後樂天寒食詩云三杯餽遨頭要及浣花前成都太守
自正月一
日出遊至四月十日
九日遊花乃止
山西老將詩無敵洛下書生語更
妍共向北山尋二士畫撓鼉鼓聒清眠

去杭十五年復游西湖用歐陽察判韻

我識南屏金鯽魚重來撫檻散齋餘還從舊社得心
印似省前生覓手書對合平湖久蕪漫人經豐歲尚
凋疎誰怜寂寞高常侍老去狂歌憶孟諸

送子由使契丹

雲海相望寄此身那因遠適更沾巾不辭駟騎凌風
雪要使天驕識鳳麟沙漠回看清禁月湖山應夢武
林春單于若問君家世莫道中朝第一人

次韻答劉景文左藏

我老詩壇仆鼓旗借君佳句發良時但空賀監杯中

物莫示孫郎帳下兒夜燭催詩金燼落秋芳壓帽露
華滋故應好語如爬癢有味難名只自知

座上復借韻送岢嵐軍通判葉朝奉

雲間踏白看纏旗莫忘西湖把酒時夢裏吳山連越
嶠樽前羗婦雜胡兒夕烽過後人初醉春鴈來時雪
未滋為問從軍真樂否書來粗遣故人知

軾始於文登海上得白石數升如茨實可作
枕聞梅文嗜石故以遺其子子明學士子明
有詩次其韻

海隅荒恠有誰珍零落珊瑚泣李倫法供坐令微物

重其舊有性石供佛色難歸致孝心純只疑薏苡來交趾未
信蠙珠出泗濱願子聚為江夏枕不勞麾扇自寧親

次韻錢越州

髯尹超然定逸群南游端為訪雲門謫仙歸侍玉皇
按老鶴來乘刺史轡已覺簿書哀老子故知籩豆有
司存年來齒頰生荆棘習氣因君又一言

次韻錢越州見寄

莫將牛弩射羊群卧治何妨晝掩門稍喜使君無疾
病時因送客見車轡搔頭白髮秋無數閉眼丹田夜
自存欲息波瀾湏引去吾儕豈獨坐多言

新茶送簽判程朝奉以餽其母有詩相謝次

韻

縫衣付與溧陽尉社肉懷歸潁谷封聞道平反供一
笑會湏難老待千鍾火前試焙分新鞞雪裏頭綱輟
賜龍從此升堂是兄弟一甌林下記相逢

次韻送張山人歸彭城

羨君飄蕩一虛舟來作錢塘十日遊水洗禪心都眼
淨山供詩筆抱眉愁雪中乘興真聊爾春盡思歸却
罷休何日五湖從范蠡種魚萬尾橘千頭

次韻林子中王彥祖唱酬

早知身寄一漚中晚節尤驚落木風近聞莘老公擇皆逝故有此句
昨夢已論三世事歲寒猶喜五人同其與子中彦祖敦完夫同試
舉人景德雨餘北固山圍座春盡西湖水映空猶勝
四明狂監在更將老眼犯塵紅

壽星院寒碧軒

清風肅肅搖窓扉窓前脩竹一尺圍紛紛蒼雪落夏
簟冉冉綠霧沾人衣日高山蟬抱葉響人靜翠羽穿
林飛道人絕粒對寒碧為問鶴骨何緣肥

贈善相程傑

心傳異學不謀身自要清時閱搢紳火色上騰雖有

數急流勇退豈無人書中苦覓誠非訣醉裏無言却
近真我似樂天君記取華顛賞遍洛陽春

次韻林子中蒜山亭見寄

竒逸多聞老敬通何人慷慨解怜翁十年簿領催衰
白一笑江山發醉紅聞道賦詩臨北固未應舉扇向
西風昂頭莫喚無家客歸掃岷峨一畝宮

次韻曹輔寄壑源試焙新芽

仙山靈雨濕行雲洗遍香肌粉未勻明月來投玉川
子清風吹破武林春要知冰雪心腸好不是膏油首
面新戲作小詩君一笑從來佳茗似佳人

次韻袁公濟謝芎椒詩

燥吻時時著酒濡要令卧疾致文殊河魚漬腹空號
楚汗水流散始信吳吳真君服椒法云自笑方求三
歲艾不如長作獨眠夫羨君清瘦真仙骨更助飄飄
鶴背驅

次韻和楊次公惠徑山龍井水

漏盡鷄號厭夜行年來小器溢餅罌弃官縱未歸東
海罷郡猶堪作水衡幻色將空眼先暗勝遊無礙脚
殊輕空煩遠致龍淵水寧復臨池似伯英

次韻林子中見寄

飄零洛社數遺民詩酒當年困惡賓元亮本無適俗
韻孝章要是有名人蒜山小隱雖為客江水西來亦
帶岷卷却西湖千頃葑笑看魚尾更莘莘

次韻蘇伯固主簿重九

雲間朱袖拂雲和知是長松挂女蘿髻重不嫌黃菊
滿手香新喜綠橙搓墨翻衫袖吾方醉紙落雲烟子
患多只有黃鷄與白髮玲瓏應識使君歌

送李陶通直赴清溪

忠文文正二大老詞馬溫公范蜀蘇李廣平三舍人

蘇子容宋次道與先公才元熙寧中喜見通家賢子

弟自言得邑少風塵從來勢利關心薄此去溪山琢
句新肯向西湖留數月錢塘初識小騏驎

聞錢道士與越守穆父飲酒送二壺

龍根為脯玉為漿下界寒醅亦謾嘗一紙鵝經逸少
醉他年鵬賦謫仙狂金丹自足留衰鬢苦淚何須點
別腸吳越舊邦遺澤在定將符竹付諸郎

送賈訥倅眉二首

當年入蜀歎空回未見峨眉肯再來童子遙知頌襦
襜使君先已洗樽壘李大夫也鹿頭北望應逢鴈人
日東郊尚有梅人日出東郊渡江游之故事也我老不堪歌樂

職後生試覓子淵才

老翁山下玉淵回手植青松三姑也我父老得書知我
在小軒臨水為君開試看一站肥蛇活更聽蕭蕭風
雨哀便與甘棠同不剪蒼髯白甲待歸來先君墓於

陳二十餘姓感歎之地名老翁泉君許為一姓感歎之深故及

次韻李脩孺留別二首

十年流落敢言歸魚鳥江湖只自白知豈意青山掃雲
霧盡呼黃髮寄安危風流吾子古其前輩人物他年記
一時我欲折繻留此老緇衣誰作好賢詩

此生別袖幾回麾夢裏黃州空白疑何處青山不堪

老當年明月巧相隨窮通等是惡家意衰病難堪送
客悲好在一作去江魚煮江水劍南歸路有美詩

和周正孺墜馬傷手

平生學道已神完豈復兒童私自憐醉墜何曾傷內
守色憂當為念先傳書空漸覺新詩健把蟹行看樂
事全賣却老驄為酒直大呼鄉友作新年

玉堂栽花周正孺有詩次韻

故山桃李半荒榛粗報君恩便乞身竹簟暑風招我
老玉堂花蕊為誰春纖纖翠蔓詩催發皎皎霜葩髮
聞新只有來禽青李帖他年留與學書人

杜介送魚

新年已賜黃封酒舊友仍分頰尾魚陋巷關門負朝
日小園除雪得春蔬病妻起斫銀絲鱠稚子謹尋尺
素書醉眼朦朧覓歸路松江煙雨晚踈踈

送杜介歸揚州

再入都門萬事空閑看清洛漾東風當年帷幄幾人
在回首觚稜一夢中採藥會須逢薊子問禪何處識
龐翁歸來鄰里應迎笑新長淮南舊桂叢

贈虎頭居士謝晉臣

屬國新從海外歸君平且莫下簾惟前生恐是盧行

者後學過呼韓退之死後人傳戒定慧生時宿值斗
牛箕憑君為算行年看便數生時到死時

初入贛作蜀道有對喜歡鋪入贛有
初懼恐難天設此對

七千里外二毛人十八灘頭一葉身山憶喜歡勞旅

一作夢地名惶恐泣孤臣長風送客漆帆腹積雨浮

舟減石鱗便合與官供一作水手此生何止畧知津

紹聖元年作靖國之
初將出贛進錄此句

蘇文忠公集卷第二十一

蘇文忠公集卷第二十一

律詩九十首

浴日亭

劍氣崢嶸夜插天瑞光千丈二字減到黃灣坐看暘

谷浮金暈遙想錢塘湧雪山已覺蒼涼蘇病骨更煩

沉瀝洗衰顏須臾馬三字驚鳥一作動行人起飛上千峯

紫翠間

雨二首

越井岡頭雲出山梓柯江上水如天床床避漏幽人
屋浦浦移舟蠶子船龍卷魚蝦并雨落人隨鷄犬上

者後學過呼韓退之死後人傳戒定慧生時宿值斗
牛箕憑君為算行年看便數生時到死時

初入贛作蜀道有對喜歡鋪入贛有
大懼恐難天設此對

七千里外二毛人十八灘頭一葉身山憶喜歡勞旅

一作夢地名惶恐泣孤臣長風送客漆帆腹積雨浮

舟減石鱗便合與官供一作水手此生何止畧知津

紹聖元年作靖國之
初將出贛進錄此句

蘇文忠公集卷第二十一

蘇文忠公集卷第二十一

律詩九十首

浴日亭

劍氣崢嶸夜插天瑞光千丈二字減到黃灣坐看暘

谷浮金暈遙想錢塘湧雪山已覺蒼涼蘇病骨更煩

沉瀝洗衰顏須臾馬三字驚鳥一作動行人起飛上千峯

紫翠閣

雨二首

越井岡頭雲出山梓柯江上水如天床床避漏幽人
屋浦浦移舟蠶子船龍卷魚蝦并雨落人隨鷄犬上

墻眠只應樓下平堦水長記先生過嶺年

疎急

一作

兩瀟瀟作晚涼卧聞榕葉響長廊微明燈火

歎殘夢半濕簾櫳泥舊香高浪殷床吹壅盎暗風驚
樹擺琳琅先生不出晴無用留向空堦滴夜長

戲贈朝雲

世謂樂天有鬻駱馬放楊柳詞嘉其至老病不忍
去也然夢得詩云春盡絮飛留不得隨風好去落
誰家樂天亦云病與樂天相伴住春隨樊子一時
歸則是樊素竟去也余家有數妾四五年相繼辭
去獨朝雲者隨余南遷因讀樂天集戲作此詩朝

雲姓王氏錢塘人嘗有子曰幹兒未期而天云
不學楊枝別樂天恰如通德伴伶玄伯仁絡秀不同
老天女維摩揔解禪絃卷藥爐新活計舞裙歌扇舊
因緣丹成逐我三山去不作巫陽雲雨仙

悼朝雲

紹聖元年十一月戲作朝雲詩三年七月五日朝
雲病亡葬於惠州之栖禪寺松林中東南直大聖
塔余既銘其墓且和前篇以自解朝雲始不識字
晚學書粗得楷法蓋嘗從泗上比丘尼義冲學佛
亦畧聞大義至死誦金剛經四句偈而絕

苗而不秀豈其天不使童烏與我玄駐景恨無千歲
藥贈行唯有小乘禪傷心一念償前債彈指三生斷
後緣歸卧竹根無處所一夜燈勤禮塔中仙

孤山二詠

孤山有陳時栢二株其一為人所薪山下老人自
為兒時見其枯矣然堅悍如金石愈於未枯者僧
志詮作堂於其側名之曰栢堂堂與白公居易竹
閣相連屬余作二詩以記之

栢堂

道人手種幾生前鶴骨龍姿尚宛然雙榦一先神物

化九朝三見太平年忽驚華嶽華嶽巖出乞與佳名到
震傳此栢未枯君記取灰心聊伴小乘禪

竹閣

海山兜率雨茫然古寺無人竹滿軒白鶴不留歸後
語蒼龍猶是種時孫兩叢恰似蕭郎筆千畝空懷渭
上村欲把新詩問遺像病維摩語更無言

與述古自有美堂乘月夜歸

娟娟雲月稍侵軒澗澗星河半隱山魚鑰未收清夜
永鳳簫猶在翠微間淒風瑟縮絃柱香霧淒迷著
鬢鬟共喜使君能鼓樂萬人齊看火城還

有美堂暴雨

遊人脚底一聲雷，滿座頑雲撥不開。
天外黑風吹海立，浙東飛雨過江來。
十分潑灑金樽凸，千杖敲鏗羯鼓催。
喚起謫仙泉洒面，倒傾蛟室瀉瓊瑰。

登玲瓏山

何年僵立兩蒼龍，瘦脊盤盤高倚空。
翠浪舞翻紅罷亞，白雲穿破碧玲瓏。
三休亭上工延月，九折巖前巧貯風。
脚力盡時山更好，莫將有限趁無窮。

宿九仙山

詠謝元放
謂謝元放

風流王謝古仙真，一去空山五百春。
玉室金堂餘漢

士桃花流水失秦人，困眠一榻香凝帳。
夢遶千巖冷逼身，夜半老僧呼客起。
雲峯缺處湧冰輪。

海會寺清心堂

南郭子琴初喪我，西來達磨尚求心。
此堂不說有清濁，游客自觀隨淺深。
兩歲頻為山水役，一溪長照雪霜侵。
紛紛無補竟何事，慙愧高人閉戶吟。

汪暉秀才久留山中以詩見寄次韻

季子應願不下機，弃家來伴碧雲師。
中秋冷坐無因醉，半月長齋未肯辭。
擲簡搖毫無忤色，汪善書人詩投名入社有新詩。
飛騰桂籍他年事，莫忘山中採藥時。

洞霄宮

上帝高居愍世頑，故留瓊館在凡間。
青山九鎖不易到，作者七人相對閒。
論語云作者七人庭下流泉翠蛟舞，
洞中飛鼠白鴉翻。長松恠石宜霜鬢，不用金丹苦駐顏。

初自徑山歸述古召飲介亭以病先起

西風初作十分涼，喜見新澄透甲香。
遲暮賞心驚節物，登臨病眼怯秋光。
慣眠處士雲庵裏，倦醉佳人錦瑟傍。
猶有夢回清興在，卧聞歸路樂聲長。

明日重九亦以病不赴述古會再用前韻

月入秋帷病枕涼，霜飛夜簟故衾香。
可憐吹帽狂司馬，空對親舂老孟光。
不作雍容傾座上，翻成骯髒倚門傍。
人間此會論今古，細看茱萸感歎長。

九日尋臻閣梨遂泛小舟至懃師院

白髮長嫌歲月侵，病眸偏怕酒杯深。
南屏老宿閑相過，東閣郎君懶重尋。
試碾露芽烹白雪，休粘霜蕊嚼黃金。
扁舟又截平湖去，欲訪孤山支遁林。

次韻周長官壽星院同餞魯少卿

琉璃百頃水仙家，風靜湖平響釣車。
寂歷疎松歌晚照，伶俜寒蝶抱秋花。
困眠不覺依蒲褐，歸路相將踏

桂華更著綸巾披鶴氅他年應作畫圖誇

次韻述古過周長官夜飲

二更鏡鼓動諸鄰百首新詩間八紘已遣亂蛙成兩
部更邀明月作三人雲煙湖寺家家境燈火沙河夜
夜春曷不勸公勤秉燭老來光景似奔輪

述古以詩見責屢不赴會復次前韻

我生孤僻四無隣老病年來益自珍肯對紅裙辭白
酒但愁新進笑陳人北山怨鶴休驚夜南畝巾車欲
及春多謝清詩屢推教稀膏那解轉車輪詩滿翰之

賀述古弟章生子

鬱葱佳氣夜充閭始見徐卿第二雛甚欲去為湯餅
客惟愁錯寫弄麀書參軍新婦賢相敵阿大中郎喜
有餘我亦從來識英物試教啼看定何如

贈治易僧智周

寒窓孤坐凍生餅尚把遺編照露螢閣東九師新得
妙夢吞三畫舊通靈斷絃挂壁知音喪師喚契已逝
矣揮塵空山亂石聽齋罷何須更臨水甯中自有洗
心經

張子野年八十五尚聞買妾述古今作詩

錦里先生自笑狂莫欺九尺鬚眉蒼詩人老去鶯鶯
在公子歸來燕燕忙柱下相君猶有齒江南刺史已
無腸平生謬作安昌客畧遣彭宣到後堂

寶山新開徑

藤梢橘刺元無路竹杖梭鞋不用扶風自遠來聞語
笑水分流處見江湖回觀佛國青螺髻踏遍仙人碧
玉壺野客歸時山月上棠梨葉戰暝禽呼

李頎秀才善畫山以兩軸見寄仍有詩次韻
答之

平生自是箇中人欲向漁舟便寫真詩句對君難出

手雲泉勸我早抽身年來白髮驚秋速長恐青山與
世新從此北歸休悵望囊中收得武陵春

夜至永樂文長老院文時卧病退院

偶一作聞一作聞巴叟卧荒村來打三更月下門往事過年
如昨日此身未死得重論老非懷土情相得病不開
堂道益尊惟有孤栖舊時鶴舉頭見客似長言

錢安道席上令歌者道服

烏府先生鐵作肝霜風卷地不知寒猶嫌白髮年前
少故點紅燈雪裏看他日卜鄰先有約待君投綬我
休官如今且作華陽服醉唱儂家七返丹